

蘄州志卷三十

知蘄州事嶺西封蔚初



雜志

祥異

君子道其常祥異不常有也顧天變動於上人事修於下惟所以應之者何如耳

國朝仁聖相承屢召休嘉祥固不勝紀災眚偶乘有德政以彌縫之雖失常而不為變其端見於蘄者例得直書志祥異

蘄州志

卷三十

祥異

唐

文宗太和八年蘄州湖水溢

通志

宋

太祖建隆三年七月蘄州大雨水壞民廬舍

宋史五行志

淳化元年庚寅八月蘄州水

宋史太宗紀

太宗至道元年丙申四月蘄州甘露降

宋史五行志

仁宗天聖三年己丑六月丁卯蘄州權貨務火

宋史五行志

徽宗政和五年乙未八月甲子蘄州獻芝草一萬一千

六百枝內一枝紫色九幹

文獻通考

高宗紹興元年蘄州旱 宋史五行志

孝宗乾道三年丁亥六月蘄州水壞田稼漂人畜 宋史五行志

淳熙七年蘄州大旱 舊志

光宗紹熙元年庚戌蘄州旱 通志

二年蘄州饑 通志

理宗寶慶二年丙戌三月蘄州火 宋史五行志

端平三年丙申三月蘄州大雨水漂民居 宋史五行志

順帝元統二年三月蘄州黃州旱 舊志

蘄州志

卷三十

祥異

二

元

世祖至元二年蘄黃旱 舊志

成宗大德五年辛丑冬蘄州之蘄春廣濟蘄水旱 通志

延祐七年庚申蘄黃二郡旱 府志

英宗至治元年辛酉正月蘄州蘄水饑 元史英宗紀

泰定帝泰定四年丁卯二月蘄州屬縣饑 元史五行志

文宗至順元年庚午蘄黃等路饑 通志

順帝至元元年乙亥十二月蘄黃地震 通志

二年蘄黃二州旱 通志

九年夏秋蘄州大水傷稼 府志

至正十二年壬辰秋九月蘄黃大旱人相食 通志

十三年癸巳三月月食太白是時徐真一倪蠻子陳友

諒等始倡亂漢沔蘄黃間 舊志

是年蘄黃大旱疫 府志

明

太祖吳二年秋七月癸亥太白歲星合於翼 舊志

孝宗八年乙卯十一月蘄州大雪甚寒樹木凍死鳥飛

墮地 舊志

蘄州志

卷三十

祥異

三

武宗正德三年戊辰蘄州大旱六七月湖水盡涸可馳

驅 舊志

世宗嘉靖六年丁亥蘄州大水漂流人畜 舊志

十八年巳亥蘄州大水低田盡沒市巷行船 通志

神宗萬曆二十八年庚子七月蘄州大風壞屋舍 通志

三十二年甲辰春蘄州大泉山東南裂百餘丈濶二丈

崇正初始漸合 府志

三十四年丙午蘄州荆王府火宮室盡燬 通志

三十六年戊申五月大水蘄州城堞可登舟城內巷道

水有深丈餘者 舊志

四十一年癸丑蘄州火燬荆府宮室 通志

四十七年己未冬蘄州大雪深五六尺 通志

熹宗天啟元年辛酉正月蘄州大雪大冰屋瓦地上冰

厚尺許 舊志

六年丙寅蘄州旱 通志

七年丁卯蘄州田鼠害稼 通志

崇禎二年己巳春三月蘄州地一日五震有聲如雷自

東北來屋瓦搖墜 通志

蘄州志

卷三十

祥異

四

九年丙子春流賊犯蘄州四鄉殺戮無算秋饑冬賊又

犯境自是歲多災寇民無寧宇 舊志

夏蘄州晝暝大風提大樹數百株根皆向天小者無算

舊志

九年冬十年春蘄州常風霾沙飛揚如北地 舊志

十年丁丑七月一日夜蘄州大風雨自西北來瓦雀飛

投南城壕死 蘄州竹遍生花 舊志

十二年己卯蘄州夜有五色虹下屬地數刻許天變暗

如蒙霧累日不解 舊志

十三年庚辰三月丙申蘄州城隍廟古鐘自鳴明史五行志

蘄州州署所藏火炮未置藥一日自發棟瓦轟塌通志

五月蘄州武昌漢陽九江皆雨土於時黃霧四塞百步

內不見物氣溫臭焦撲人口鼻着物皆黃塵旬日始

霽舊志

六月蘄州虎入城傷人通志

冬十月蘄州晝暝路人失措雞犬驚措五刻始復通志

十四年辛巳天下大旱疫蘄黃等處飛蝗蔽天米斗銀

四錢民死過半舊志

蘄州志



卷三十

祥異

五

十四年十五年夏秋蘄州多蠅飛集孔道團結行轉是

年大疫殍屍載道舊志

十六年癸未正月二十五日夜蘄蒙霧黑氣四塞漏一

鼓大雪明日張獻逆陷蘄舊志

五月蘄黃九江武昌漢陽每日將西即見青氣二撐日

脚廣各二丈長至地七月始散舊志

夏秋間蘄州嘗有黃氣非雲非霧高數丈遠望則有即

之則無舊志

十六年十七年蘄州城內多虎穴白晝出攫人時蘄陷

後荆棘滿衢巷官民惟取一二道行

崇正末蘄黃雞翼生距訛傳食之殺人舊志

崇正中末蘄州桃李梅杏之屬常秋冬華眾不為怪舊志

國朝

順治九年壬辰蘄州旱舊志

康熙二年癸卯正月二十九日天黑如夜至晚復明舊志

七月永福鄉有虎一日傷四十餘人至渴口與牛鬪為

鄉民所殺舊志

秋大水舊志

蘄州志

卷三十

祥異

六

康熙二十九年庚午蘄州旱饑通志

三十二年癸酉蘄州旱通志

三十三年甲戌蘄州旱通志

六十年辛丑蘄州虎城蒼屏集

雍正年間崇居鄉場城土忽裂一口深入無際觀者

引繩數十丈石投之無際但覺清泉隱隱越數年

後復合至今裂痕尚存舊志

雍正三年乙巳蘄州大熟舊志

四年丙午蘄州大水江水泛濫田畝浸沒通志

乾隆十二年丁卯又三月大風東關城樓毀石器俱移
置他所屋瓦紛飛如燕古木拔折無算 舊志

十八年癸酉蘄州水漂民居 通志

十九年甲戌蘄州大熟 舊志

二十年乙亥蘄州大風壞民居三百餘間壓死十餘人

通志

乾隆二十九年甲申蘄州衛水 據冊檔

三十二年丁亥水溢屯田

三十四年己丑大水城內可泊舟

蘄州志

卷三十

祥異

七

四十七年壬寅四月望後暮夜大風屋瓦紛飛無算

五十年乙巳大旱秋冬道殣相望

五十一年丙午麥有秋

五十三年戊申大水市巷行船廬舍田屯俱被漂沒

嘉慶七年壬戌旱

十三年戊辰旱穀米騰貴

十七年辛未四月蘄州地震

十九年癸酉蘄州大水

二十五年庚辰大旱自四月不雨至明年首夏始霽

可耕插人心稍安

道光元年辛巳歲大稔

蘄州永福二圖民張氏田內麥秀兩歧呈獻 州王顧

准詳 府道憲以紀休徵

二年壬午六月大風拔木壞民居無數七月間夜有五
色虹見西北角

四年甲申六月間大旱荒斗米錢五百流民四起九月
間雨雪

五年乙酉麥大稔

蘄州志

卷三十

祥異

八

七年丁亥五月霖雨山水大發漂沒田廬人畜無算

十一年辛卯大水城內市巷水深數尺漂沒田廬無算

十二年壬辰饑大疫

十三年癸巳大水

十五年乙未大旱蝗

十六年丙申大有年

二十一年辛丑大水饑十一月大雪平地深數尺四十
餘日未消人畜樹木多凍死

二十二年壬寅春大饑民取草根樹皮以食夏秋大疫

二十三年癸卯春二月天上有白氣一道斜指西方經
月始散

二十四年甲辰有年秋水

二十五年乙巳有年

二十七年丁未大水

二十八年戊申大水十二月布穀鳴

二十九年己酉大水雉堞通舟僅存麟鳳二山及熊化

嶺一帶青崇大三鄉數起蛟漂流人畜無算

三十年庚戌大水民取野菜以食麥有收

蘄州志

卷之三

祥異

九

咸豐元年辛亥大水青山陳氏家下紅雨

二年壬子歲稔秋多疫

以上舊志

四年甲寅十月初五日晡池塘水鬪高數尺俄頃復平

五年乙卯夏六月水溢

六年丙辰六月初十日安平鄉塘水高湧數丈其上水

珠四溢俄倒聲如雷

七年丁巳夏蝗

八年戊午夏蝗

十一年辛酉冬大雪平地深四五尺堅冰彌月不解

同治元年壬戌正月十三日大雪三日深數尺
二年癸亥夏有蝗自宿松太湖至不傷稼

三年甲子夏旱蝗不爲災

六年丁卯旱

八年己巳八月初一昧爽風雨大作策山鎮國寺蛟起
廟宇如故惟神座下石裂一窟深不可測起時見有
金甲神仗劍逐其後一青衣人持蓋隨之士人咸謂
白馬將軍顯靈云

九年庚午大水

蘄州志

卷之三十一

祥異

十

十一年壬申五月下旬有鵲飛集州署馴擾依人匝月
始去州人士各賦詩紀之知州封蔚初爲題來鵲軒
額是歲至乙亥皆大有年

光緒二年丙子六月童子河一帶蛟水突起冲壓田地
數百頃

三年丁丑臘月大雪凍結二十六日不解堆積樹枝晶
瑩如樹架

五年己卯崇居大同鄉疫

六年庚辰夏山水驟發自崇居青山至挂口濱河田地

悉沒房屋被淹

七年辛巳二月大雨雪冰結彌旬殺傷菜麥摧折樹木

無算

新增

補遺

崇禎十二年二月初一日蘄州署有石銃十一門自震

堂瓦崩頽署州事李色鮮將火藥傾出移出堂前空

地下後於三月初一日自震烟火冲天堂柱亦自起

火

又蘄州各街道每夜鬼哭咆哮聞之有聲逐之有影

蘄州志

卷之三十一

祥異

十一

十五年蘄州樹杪火發焚其木殆盡

冬月圍風鴨蛋洲有飛鳥萬餘投蘄州南城濠後張獻

忠破武昌從鴨蛋洲渡此比之鴈鴒來巢爲羽虫之

孽

又蘄州有鬼白日成羣牆上及屋脊行走擲榆居人

城遂陷

以上俱見甯都三魏集

兵事

兵草之事無代無之斬自漢迄元明代有蹂躪我

朝承平日久民不知兵髮逆倡亂以來斬境屢遭荼毒

幸

天威震疊盡掃櫬槍彙而書之亦安不忘危意也志兵事

東漢

建安二年袁術僭號曹操征之術走渡淮留其將張勳

橋蕤於蘄陽以拒之舊通志

建安十三年曹操破荊州下江陵先王寤甚乃使諸葛

蘄州志

卷之三十

兵事

十二

孔明求援於吳孫權遣周瑜黃蓋迎戰大破曹兵於

赤壁旋師賞軍於蘄之江中名其地曰散花營即今

散花洲也

季漢

建興元年

魏黃初四年

吳黃武二年六月吳賀齊襲蘄春虜太守晉

宗以歸

通鑑

初晉宗為戲口

志作蘄口誤

將以眾叛如魏還為蘄春太

守圖襲安樂取其保質孫權以為耻六月盛夏出其

不意詔賀齊督糜芳鮮於丹等襲蘄春遂生虜宗

三

志賀
齊傳

陳

大建五年五月南齊昌太守黃詠克齊昌外城

陳書宣帝紀

七月齊遣尚書左丞騫將兵二萬援齊昌遇西陽太守

汝南周炆炆留羸弱設疑兵以當之身帥精銳由間

道邀其後大破之

通鑑

隋

開皇九年正月蘄州總管王世積以舟師出九江破陳

將紀填於蘄口

通鑑

兵事

蘄州志

卷之三十

十三

王世積闡熙新罔

古國字

人世積於是移書告諭遣千

金公權始璋畧取新蔡據其城世積繼至陳齊昌太

守黃正始等詣世積降

隋書王世積傳

唐

建中四年三月曹王皋敗李希烈兵拔黃蘄州

通鑑綱目

時希烈兵柵蔡山險不可攻皋聲言攻取蘄州引舟

師泝江而上希烈將引兵循江隨戰皋乃復放舟順

流而下急攻蔡山拔之希烈兵還救之不及而敗皋

遂拔蘄州表伊慎為蘄州刺史

通鑑

興元元年正月希烈以其將杜少誠使將步騎萬餘人南寇蘄黃欲斷江路

通鑑

包佶轉東南財糧次蘄州賊兵萬人遏江道不得西伊慎選士七千擊戰賊亂斬別將許少華漕無留艱

唐書伊慎傳

乾符三年十二月王仙芝攻蘄州

通鑑

蘄州刺史裴渥王鐸知舉時所擢進士王鐸在賊中爲仙芝以書說渥渥與仙芝約斂兵不戰許爲之奏官鐸亦說仙芝許以如約渥乃開城延仙芝及黃巢

蘄州志

卷之三十

兵事

十四

輩三十餘人入城置酒大陳貨賄以贈之表陳其狀諸宰相多言先帝不赦龐勛葢年卒誅之今仙芝小非龐勛之比赦罪除官益長姦宄王鐸固請許之乃以仙芝爲左神策軍押牙兼監察御史遣中使以告卽蘄州授之仙芝得之甚喜鐸渥皆賀未退黃巢以官不及已大怒曰始者共立大誓橫行天下今獨取官赴左軍使此五千餘眾安所歸乎因毆仙芝傷其首其眾喧譟不已仙芝畏眾怒遂不受命大掠蘄州城中之人半驅半殺焚其廬舍渥奔鄂州勅使奔襄

州錄爲縣所拘賊分其軍三千餘人從仙芝及尙長君二千餘人從巢各分道而去

通鑑

四年十月黃巢寇掠蘄春招討使曾元裕擊破之斬首四千級巢遁去

光啟三年十二月上蔡賊帥馮敬章陷蘄州唐書僖宗紀

文德三年夏五月蘄州刺史馮敬章叛附於楊行密

唐書

昭宗紀

淮南將朱延壽奄至蘄州圍其城大將賈公鐸方獵

蘄州志

卷之三十一

兵事

十五

不得還伏兵林中命勇士二人衣羊皮夜入延壽所掠羊羣潛入城約夜半開門舉火爲應復衣羊皮反命公鐸如期引兵至城南門中火舉力戰突圍而入延壽驚曰吾常恐其潰圍而出反潰圍而入如此城安可猝拔乃白楊行密求軍中與公鐸有舊者持誓書金帛往說之許以昏壽州團練副使柴再用請行臨城與語爲陳利害數日公鐸及刺史馮敬章請降以敬章爲左都押牙公鐸爲右監門衛將軍

通鑑

周

顯德三年三月唐蘄州將李福殺其知州王承雋舉州

來降 通鑑

七月唐將李平取蘄州唐主以平為蘄州刺史 同上

五年三月時淮南惟廬舒蘄黃未下唐主奉表請獻江

北四州於是江北悉平

宋

建炎三年十一月淮賊劉忠犯蘄州韓世清逆戰破之

宋史高宗紀

初劉忠集兵於東京至是犯黃州蘄黃都巡檢使韓

蘄州志

卷之三十六 兵事

十六

世清與戰破之 陳邦瞻宋史紀事本末

蘄州蘄春縣建炎初為盜所據紹興五年收復 宋史地理志

紹興十一年二月趣岳飛會兵蘄黃 宋史高宗紀

嘉定十四年三月金人陷蘄州知州李誠之及其家人

官屬皆死之 宋史寧宗紀

金人圍蘄州前後二十有五日止守倅眾官晝夜親自

擐甲登城督勵竭盡心力緣是日午後忽得大雨火

牛被雨燒燎不著至二更風色不順彼以火礮石礮

攻打民兵無容足之地金人遂以雲梯登城殺戮知

州李誠之等至新寨調西門統制縣中小將江士旺等努力巷戰須臾寨內火起彼兵追殺至南門其江城之十字街各以自隨之兵冒死鬪敵死傷畧盡誠之度不能走奔回署內呼骨肉令速赴水自盡遂引劍自刎節趙與裕泣斬錄其時同誠之死者詳藝文秦鉅傳

端平三年元兵攻蘄州孟珙遣兵解其圍宋史孟珙傳

太宗九年冬當理宗嘉熙元年口溫不花改譯布哈別攻蘄州元史

太宗紀

蘄州志

卷之三十一

兵事

十七

蘄守張可大委郡去宋史孟珙傳

德祐元年正月丁丑元兵入黃州宋史瀛國公紀

陳下蘄州併招其子巖於安東州

知蘄州管景模遣人請降於黃州

元已延先令陳奔以書招之於是景模遂請降宋史紀事

本末

壬午元兵入蘄州宋史瀛國公紀

江州提舉呂師夔知州孫奐孫遣人請降於蘄州

元

太宗九年冬命萬戶張彙等攻蘄州 元史太宗紀

至元二年八月都元帥阿珠畧地蘄黃俘獲以萬計 元史

世祖紀

至正十一年八月羅田縣人徐壽輝與麻城鄒普勝等

以妖術聚眾興亂 元史順帝紀

徐壽輝又名一真蘄州羅田人業販布往來蘄黃間燒

香聚眾遂與黃州麻城人鄒普勝以妖術陰謀聚眾

舉兵作亂以紅巾為號因壽輝貌異於眾遂推以為

主 明史陳友諒傳

蘄州志

卷之三

兵事

六

九月徐壽輝陷蘄水縣及黃州路 元史順帝紀

按蘄水元時為蘄州屬縣

十三年七月卜顏鉄木兒 改譯布延鉄穆爾 進兵攻蘄州擒其

偽帥鄒普泰遂克其城 元史本傳

明

萬歷十六年歲大饑黃梅賊起劉少溪聚眾蘄之青山

鄉老龍洞余孟新聚眾燕子巖與黃梅劉汝國眾合

州判陳策死之 白茅堂集

崇禎八年蘄黃大盜爬天王擁眾八百餘人村民擒之

十年二月經畧熊文燦總兵左良玉於蘄招安張獻逆
一丈青等賊荆藩爲之置晏邸中時良玉不主撫議
未二年賊果自穀城叛去

十四年草里眼左金王五營張獻逆東來走麻城以勾
之湖廣宋一鶴聞之渡江進兵屯蘄州擒賊謀焚舟
斷渡 明史紀事本末

是年招安草里眼賊安插蘄之青山上鄉大爲民害
後仍叛去

蘄州志

卷之三十一

兵事

九

十六年正月左帥兵全營南下時各營兵不遵約束鹽
船糧艘及沿江居民多被焚擄非左帥志也 盧志

正月毛顯文楊文富以爭駐防相率叛去從左營後南
下楊文富親至城下脅取城內家眷口出不日獻賊
破城之語

張獻逆陷蘄州

明史莊烈帝紀

正月二十六獻逆以二百人夜襲蘄州明日令薦紳
孝廉文學各冠帶自東門入西門出盡斬之遂屠蘄
州留婦女毀城稍不力卽被殺執守道許文岐獻逆

曾販杭州識文岐頗禮之文岐陰謀圖賊乃被殺明史
紀事本末

二月二十二日城外房屋尙未焚盡者居民收集防守
賊復攻破三險大肆焚掠蘄民殆無噍類矣舊志

五月三十日賊破武昌至六月初二日沿江一帶浮尸
而下水爲不流

六月方毛於徐四營兵奉左良玉令撥防蘄黃一帶駐
蘄新洲不久掣調

國朝順治元年四月

蘄州志

卷之三

兵事

二十

大清兵誅李自成蘄奉

旨置官安撫舊志

五年三月九江寇水陸並進至蘄之城南叅將韓友領
兵擊敗之

六年二月蘄州上鄉土賊焚掠鄉郵叅將韓友領兵擊
敗之盡平餘黨鄉民獲安

乾隆十七年春江南霍山縣白雲菴奸僧正修及湖廣
奸民胡濟修等黨首逆馬朝柱前在羅田縣內天堂
寨假立神異煽誘動衆作逆書逆示傳單札符旂令

圖書軍器等項流言四起知蘄州李玘偵知其實親
赴楊河等處翦其黨羽飛報合憲陸續緝獲逆匪二
百餘人起兵器火藥三百餘件楚督永公江督尹公
先後奏

聞欽奉

諭旨分別輕重按律治罪其首逆馬朝柱從逆熊得勝等
尙未就擒奉部覆嚴飭各省懸立賞格多方查詰期
於必獲遵照節次通緝如初

舊志

咸豐二年十二月髮逆由湖南竄湖北陷武昌分寇黃

蘄州志

卷之三十一

兵事

二一

州蘄州戒嚴

三年

正月初七日賊由武昌下竄所擄男婦約數十萬人船
萬餘艘蔽江下據城三日廨舍寺觀質庫焚掠一空
九月賊由安慶上破田鎮營陷黃州知府金雲門殉節
僞聖糧陳玉成踞州之漕河遣衆賊於五鄉勒索錢
米名曰打貢踞城年餘

四年春賊設僞職曰監軍

九月楊提督載福彭道玉麟率水師自武漢直抵州境

酣戰逾時燬賊船九十餘艘

十月知府許廣藻督兵進駐漕河遇賊於獅子口大破之由是闔州起團練

時楊提督昌泗陸軍已入州境曾侍郎國藩慮爲賊所乘派彭楊水師與陸軍會剿平蘄州賊壘賊首陳玉成棄城走

十一月十四日賊仍回踞州城州判魏作霖帶勇隨大兵與賊戰於野塘嘴兵敗死之六品軍功孫占魁同歿於陣

蘄州志

卷之三十

兵事

三

十二月羅道澤南塔提督齊布督湘軍至賊始遜官軍追至菩提壩大敗之賊竄黃梅

五年

正月初一日賊由黃梅上竄廣濟雙城驛大營潰楊制軍需退保德安府遂陷蘄州據城年餘

六年

十一月二十五日楊提督載福克黃州四更率師駛下次日抵蘄州分途兜擊賊不能支二十七日黎明遁走遂復蘄州

時賊退紫廣濟縣號十餘萬十二月十二日悉衆上
犯將軍多隆阿領馬步軍七百餘適駐漕河與賊遇
大敗之賊東遁

七年

四月初四日賊由六安霍山分股上竄踞英山署知州
彭應鯉調各團分扼要隘親督團勇赴英山羅田交
界樂利河駐紮

十一日賊隊大至官軍三路迎敵斬殺無算彭率團勇
乘勝克復英山縣城

蕪州志

卷之三十

兵事

二三

十三日賊由英山竄蕪州張家坊十八日統帶福營同
知李景福寶營都司金殿安武營守備余雲龍由興
國州渡江駐紮崇居鄉青石嶺知州彭應鯉率團勇
由汪家壩小路進與官軍合

十九日賊大股分七路來犯寶武二營皆隔截李景福
率守備張鵬高楊高桂把總胡開禮朱大倫衝突塵
戰衆寡不敵同時陣亡營兵團勇死者各二百餘人
二十日叅將葉永泰率虎營至二十一日都司徐統恩
率鳳營至二十二日賊又分股萬餘由芭茅街撲父

子嶺青石嶺等處官軍糧缺退保州城

五月胡撫軍飛調知府邢高魁統興國防兵三營合九
江調援之三營駐紮劉公河知州彭應鯉率團勇駐
分路街初四日李道孟羣派知府朱啟仁率師來會
初五日由分路街韓婆石圓襟衝三路進兵馬隊由
劉公河夾擊之賊退踞望天畝青石嶺

初十日賊犯分路街叅將趙鴻舉都司盧又熊暨超平
二營會知州彭應鯉率團勇四路堵擊敗之

十五日賊復至官軍分兩路迎擊大敗之賊仍回望天

蕪州志

卷之三十一

兵事

二四

畝

二十日知府邢高魁會同舒都統保馬隊何叅將紹彩
步軍移紮胡家涼亭蓮花菴等處

時賊盤踞張家塆望天畝與廣濟縣大股聲勢聯絡
都統巴楊阿率馬步隊數百駐蕪廣交界之居家岡
蕪水練首彭心友帶勇二百餘駐清水河練勇悉館
民居凡數月

二十五日官軍會同蕪紳練勇抵青石嶺是日賊分五
路來撲鏖戰五時之久賊始退州勇受傷百餘名死

者數十人

時官軍與賊相持復彌月每日接戰團勇助之雖屢
敗賊蔓延如故

閏五月十一日賊分入股來撲官軍分兵迎敵千總余
開泰外委周如鳳死之賊之燒斃擊斃者亦千餘名
二十一日官軍各營潰泰將何紹彩率所部軍堵截劉
公河凡三日俟居民避盡始退全活無算

七月二十五日記名布政司李續賓自九江率軍上授
至黃岡孫家嘴大破賊追至漕河長塘角洗馬畝等

蘄州志

卷之三十一

兵事

二五

處賊望風披靡彭應鯉督勇隨官軍進攻張家塆復
州城

胡撫軍派唐道訓方統帶訓營駐紮張家塆范家灣
等處設卡礮以扼宿松入楚之吭

十一月十五日唐道訓方駐陳德園以固蘄州門戶是
日宿松股匪三四千人由彌陀鎮直撲蘄界唐道會
合馬隊團勇奮力擊之殺賊數百

十二月三十日太湖逆眾數千乘我兵度歲竄近州界
唐道合各營及團勇擊退

八年

正月二十一二等日賊衆數千進踞彌陀鎮訓營奮擊團勇助之斃賊二百餘名賊退

二月初六日賊踞安仁河分股上撲旬日之內軍勇凡三戰殺賊千餘名

五月初八日太湖踞賊分三路來撲一由彌陀鎮一由桐山衝一由黃泥畝咸聚界牌石勢甚披猖官軍分路迎敵團勇爭出擊之斃賊數千官軍傷者數十人州勇亦二十餘人

蘄州志

卷之三十

兵事

二六

十三日賊至界牌石沿路放火擄掠軍勇迎擊殺賊數百

十五日賊進逼彌陀鎮軍勇迎敵殺賊數百人官軍陣亡僅二人州勇死者二十餘人賊退真君寺

十七日賊傾巢出軍勇禦之大戰於彌陀鎮賊大敗死者無算賊壘全行踏毀次日賊遁退走石牌

十一年

三月十三日偽英王陳玉成卽四眼狗由德安下竄賊首唐鬍子分衆數千踞蘄州需索甚暴五月奉偽檄

調去復以賊首劉爲真代之踞城共百四十有九日
是年賊由英山竄州者兩次居民遷避不及被戕溺
水者甚衆

同治二年

豫捻由蘄水竄州之漕河所過焚掠甚酷

三年

五月髮逆馬融和糾豫捻竄德安蘄州戒嚴

九月二十四日捻匪竄蘄州焚掠甚酷僧邱率大兵由
蘄水追賊至州之上鄉團勇助之賊大敗竄安徽

蘄州志

卷之三十

兵事

二七

五年鄭撫憲札諭各州縣堅壁清野州人立砦堡

七年

九月十六日蘄水教匪馮和蟻起事焚掠洗馬畝據
天垣砦花翎都司萬賦元率團擒獲數十人賊平

團練附

蘄州自咸豐四年知府許督兵來蘄諭五鄉二十八圖
紳士協辦團勇按鄉各設總團一人總之四五人佐
之又按圖各設分團仍各設總佐有一圖一團者有
二三圖合一團者每團大旗手鎗炮手各募壯勇充

之散卒則按民之有力者家出一夫擇其略知兵者爲十夫長無事則各務本業有急則由各鄉總團通知分團分團總佐各率部伍歸總團處酌量調用或分守要隘或合力防堵或隨官軍以助聲威或扼賊吭以截歸路所需各費俱按家貲均派大略視田糧之多寡爲差等惟藥火則由各團總稟州詳請給發至七年秋唐中丞義渠隨胡文忠攻復皖省駐兵於大同鄉之范家灣以鱧魚頭地方爲蘄北門戶於是相度地勢建將軍第一關距太湖宿松英山黃梅界

各數十里不等又擇險隘處設八卡相與犄角其當衝者則惟距太湖之陳德園英山之打虎廠楊樹坳宿松之宋家嶺黃梅之唐家山爲最其餘牛頭冲小隘嶺棠梨嶺三卡爲援八卡一關連亘五六十里皆督鄉團守之一卡有急眾卡分勇援之五鄉二十八圖一圖有急各圖分勇助之前州彭屢隨大軍督勇克敵募兵民壯皆與有功蓋蘄州南濱江高山在北東去城數里卽廣濟界西與蘄水毗連俱係通衢有官軍上下無庸設卡故關卡皆偏北境也至按鄉團

勇按糧派費藥火請給永爲定章嗣後寇亂削平民
安耕鑿

國家以州屬最爾地團費捐至數十萬金
特恩加廣學額與兵難者並叨世襲團練一事殆可備而
不用焉

外志

仙釋

二氏之學涉於虛無儒者每難言之然釋老竝立代
衍其傳抑天地間所不能廢也善乎朱子有言曰因
彼稊稗之有秋悟我黍稷之未熟故彙而書之非希
心於元妙也志仙釋

隋唐

二梵西竺僧隋唐間三僧入中國一住興國東方山一
住州之三角山二梵住圓峯山屢著靈異山半有泉

蘄州志

卷之三十

仙釋

土人祈雨輒驗

白崖高谿寺僧有人願從其教師曰汝凡胎也引入山
剝滌五臟途人驚往覓之弗獲惟一石在若白崖形
按舊志載於唐之末今以時代考之當移置於前

費郎君者名光輝世畊大明山母劉氏餉夫元昇遇雷
雨晝晦欣欣若有感遂娠三年乃生郎君四歲就塾
學好從澗中浴師跡諸澗則龍也遂失所在一日歸
立簷下約父母俱往如期風雷拔屋以父母去

王全 飛昇於天長觀中

司馬氏道信佛家宗派所稱四祖也初卓錫於州之鳳
皇山繼徙破額山卽山以其法傳宏忍稱五祖後俱
徙黃梅蘄有神秀者禮五祖於黃梅遂開南北之宗
令珪涿州人母夢一星墜懷而生卓錫於三角山山多
虎珪至虎悉遁去因號伏虎禪師後逢旱年祈雨應
宋仁宗高宗俱有賜號 祖師俗姓韓
張祖師卓錫龍泉岩旁有巨石先爲妖神魯原所據祖
師至欲奪之約與俱浴原起祖師覆手巾於上原揭
之再三不能起祖師卽石上坐原怒登山發三大石

蘄州志

卷三十

仙釋

二

擊之其二左右植一幾及頂祖師掌承之遂結爲龕
手巾跡猶存遂取以名葺 陳氏志稿

五代晉

羅翼不知何處人相傳飛昇於乾明磯石上踵踵若履
跡然後人遂建閣於上名曰飛仙今廢又有劉六者
同時人居大桴山亦飛昇去

按舊志載在第一欸以時代考之不合今移錄於此

宋

麻衣道者姓李名和生而紺髮美姿異常入終南山遇

異人授一牒曰南陽之間湍水之陽神開汝鄉汝興
往之可以翁神蒼茫後得樵者導其處居之十九年
義熙中旱居民張爽率眾請雨麻衣苦無術是夕有
丈夫十二人來謁狀貌猙獠謂第許之翌日果大雨
與唐無藥禪師遺蛻俱存石鼓院中

戒和尚居五祖山東坡同山谷見清老清語坡前身爲
五祖戒和尚卽此 考東坡事見春渚錄

明

郝悟通者麥麩李之徒先是荆永定王迎麥麩李於太

蘄州志

卷三十

仙釋

三

和山破衲入王宮王問長生訣曰修身齊家長生訣
也送歸至漢上未及岸自舟中逸去後王幾以罪廢
國始悟李語因敬悟通萬曆中大旱王命求雨自暴
烈日中雨至坐化王以禮葬之

雪菴和尚者託堪輿往來於蘄之崇居鄉長年不爲人
卜一地謂陳氏夫婦賢爲構一門一葬其先世後不
知所終著有字字金葬書行世

考廣輿記雪菴姓葉名希賢太祖時進士因建文之
難遂隱而爲僧後入蜀

僧源潭與里中鄧茂七善一日茂七從石窟中獲一劍以示潭偶攜之飛禽望空首落潭曰此禍本也宜捐之不聽挾之以走閩正統中爲亂於沙尤古田間有司命潭招撫潭仗一劍與之飲乘茂醉起易其劍擲江中亂遂定事聞詔建宏慧寺於蘄以居之歸宗語不虛發雖尋常談論必透宗旨萬厯間鄉官袁世振迎住宗遠葺結十齋社

靈鑑江右人兄弟凡七人俱爲劉大將軍偏裨從征六人皆卒於軍鑑獨存遂棄家爲僧天啟間募修石鼓

蘄州志

卷三十

仙釋

四

寺

張后山不知何許人背孿上僂魁一紵常睨一妓不答乃引手向空取新衣舉止綽繚衆大笑忽問公等可少噤乎復向空取美酒肥炙餉之後坐盜荆府物下長吏后山涕泣叩頭額盡瘡曰死矣願少與我酒酒至后山目注之叫霹靂應聲自酒中起后山并桎梏俱失所在

不知姓名翁年可八九十好緣麟山高處臥或捽之墜笑自緣起如是三捽三緣起疑其瘖也一日言天地

圓耳或驚問先生言矣何謂道曰耳其目目其耳鼻其口口其鼻之謂道後失所在

德心爲僧三角山白雲菴不識字惟日拜觀音一日傾淨水處生蓮花因閉關三年遂頓悟解諸經并博通文字言晴雨輒驗後之蜀所居寺后有磐石坼裂有聲欲墜僧坐裂處誦心經石卽合

雲外歙縣汪氏子明末以諸生披剃爲僧先居匡山八九年人罕有知者後來州之南嶽寺示寂時預定時日手書法語數千言又著有宗鏡等書

蘄州志

卷三十

仙釋

五

四宏安慶人白龍潭寺僧工書法風骨稜稜得顏魯公體荆府雅重之墨跡至今有存者

國朝

臥雲道人明宗室易姓李住元妙觀工詩不存彙惟雁字百首州人士誦之

丹九道人姓易名來成陝西人由麻姑洞來住元妙觀工詩常運腕臨帖預知化期著有崑崖集

佛幢居東山寺元初居三閣菴二僧先後大倡宗旨時蘄當寇難之後士大夫頗言因果多從之

界定鎮國寺僧田氏子州人臨濟門下麟瑞九世法嗣
性沉靜工書法託堪輿以自晦著有語錄

宗一居氏子廣濟人明末讀書白鹿洞遇異僧披剃了
悟禪宗

國初任朝西庵著有語錄傳法容海再傳悟源掌僧正教
最偉福興寺僧與陳友夏叅究宗旨多所了悟寂後三
年啟龕如生僅一小指朽焉

山月三角寺僧性沉靜通古籍除游謁外終日焚香默
坐嘗曰吾山以鎮身月以居心故名州人士咸重之

蘄州志

卷三十

仙釋

六

鳴庵東山寺僧結莖草亭吟咏其中州有雨湖七子吟
社鳴菴與焉

慧澤三角寺僧師登寶座大眾側聆師卓拄杖一下僧
曰答即便答又卓箇甚麼師曰百雜碎

迷指三角寺僧有夙慧其胸空洞無物著有語錄法嗣
多宗之

天竺任大泉寺又任菩提寺凡九坐道場說法十二會
後寂於澗南著有語錄

雷門震和尚江西萬載縣方氏子年十八不就婚入

山披剃悟宗旨後任蘄之大泉寺有語錄及雜著
紹嵩居三角寺著有語錄

磊庵龍門寺僧著有語錄

靜惟慈慶二僧俱工詩有稟 以上俱舊志

按舊志所載釋氏以山紀者若烏牙山之行朗清楚
彥賓三角山之眞鑑法遇志謙四祖山之清皎法演
端師悟通志謹仲宣曇華五祖山之山秀道初大演
表自凡十七人以寺紀者四人若龍華寺之曉愚開
元寺之子琦瞿金寺之馬祖龍潭寺之理公 皆外地人

蘄州志

卷三十

仙釋

七

以地紀者一若壽聖本州人此皆無可紀述姑附見
於此以俟詳攷 謹按錢志所錄盧志以上諸人皆
有紀述錢志未詳錄今仍之不復補入但三角山尙
有志操龍華寺尙有高禪師又外有廣濟禪師其名
亦遺漏并錄以附見之而馬祖則盧志所未見者未
深考

蘿庵和尚蘇州嘉定陳氏子母娠夢天竺僧入室而生
十五卽好茹齋十八祝髮爲僧自悟宗旨順治甲午
自黃梅五祖寺來居蘄之存金寺著有語錄

舒祖師蘿庵四世孫少不婚祝髮於州之紫金寺修煉
有悟後居存金寺將示寂預定日時手書詩一首坐
化數年啟龕如生

霜松石牛山朝東庵僧宣城童氏子年將四十祝髮苦
行工詩著有語錄

雨梵西河廣教寺僧能詩與邑侯顧伴藥州孝廉吳己
山往來相唱和

巨岳城西清源殿俗呼小廟僧孝感黃氏子工於詩出家後
常憶母詩多見母憶母之作著有夢幻吟陳愚谷爲

蕪州志

卷三十

仙釋

八

之序以上潘志

寺觀

南北之宗皆寓於蘄其勝蹟猶有存者緇流黃冠之所溺而處也故祠祀之外寺觀亦在所不畧抑古聖王以神道設教之意歟志寺觀

正覺寺在州治南唐四祖道信卓錫於此通志明洪武

年僧正司明鐸重建俗稱鳳山寺亦曰四祖寺有轉

輪藏閣鐘鼓樓為闕左右翼有僧寮榜曰七葉白茅堂集

國初李廷楷等募修方丈道光己丑僧明修募重修咸豐

三年燬於賊僧隱林果成竭蹶告募營寺一區同治

蘄州志

卷之三十一

寺觀

九

甲戌春知州封蔚初倡捐重建祈嗣宮并右側客座

禪房夏四月復修江山清趣亭記詳藝文

東山寺即五祖寺在雨湖岸唐五祖宏忍卓錫於此見

舊志自明洪武嘉靖

國朝順治雍正乾隆凡五次修葺道光年間監生李蔭福

重修觀音堂地藏殿并於雨湖之畔建亭榭以為游

客憩息之所

二郎廟祀秦李冰第二子蘄州衛官軍戍平溪代清浪

征諸蠻數過灌口甚獲神佑故特祀之州境廟有四

州城二漕河二

今按東京夢華錄六月二十四日二郎生日漕河每年六月二十六日賽神出會炫耀異常鼓樂喧闐又爲嬰兒高臺故事遠近皆來觀劇所費不可貲計乾隆年間知州錢檢亭禁其事今仍復如故

志畧

雲臺仙院在州治內三眼井前

鐵佛寺在北門內佛像皆鐵三鐵鎮蘄陽此其一也明洪武元年比邱永明剏嘉靖十九年荆府重修

元妙觀祀老子舊在麒麟山宋祥符間道士李可道剏

蘄州志

卷之三十

寺觀

十

明洪武間道士王德榮遷建於東門外天順四年荆靖王重修正德嘉靖荆府復修宋誠王儼爲之

記詳藝文

國朝雍正李元序妻陳氏捐田爲香火費

東嶽廟有七一在州城東門外明洪武間黃均建永樂間陳士冠重建鄉官孫天衢及老會捐置各田

國朝道光二十五年稅書葉期榮重建一在閩家冲洪武初閩岳建一在永福鄉雲臺山壽官熊維賢維岳建嘉慶四年熊有恣等捐修道光二十二年監生熊啟第等重建一在大同鄉高砂里十三戶約所一在青

山鄉興隆山吳鳳闕鳳樓重建道光年間僧募化重修舊志一在永福鄉螺螄港一在安平鄉撼棗畝宏

治中高鵬建萬厯間鵬裔孫楚學捐募增修

寶月庵在東門外教場口

宗遠菴在東門外明萬厯間鄉官袁世振為僧歸宗建

奎星樓在泮池左 國朝江防道徐惺建知州錢鑿重

修道光初知州顧澍重新同治辛未知州呂憲瑞重修

如是庵在東門外明天啟間僧海瑞建

三官廟在東門外一名三官殿

蕪州志

卷之三十一

寺觀

十一

鉢蓮菴在雨湖中明天啟間鄉官楊芬建

詩詳藝文

道光二十九年水圯

同治年重修

石鼓寺在西門外濱江羊子寮宋咸平

舊志作寧

中建明天

順初荆府承奉阮古修天啟三年鄉官李瓊岳鎮華

等重修兵燹後復就地僧寂惠募修

陳氏志稿記詳藝文

禹王閣在城西南隅乾明磯右

乾明寺即觀音閣明永樂中比丘知安遷建正統間福

慶重修嘉靖五年荆府新之年久圯頽光緒乙亥知

州封蔚初倡捐重修左有湧月樓足供游覽

記詳藝文

龍磯寺在江心卽入蜀記所紀龍眼磯江中卷耳石磯

旁山上有龍祠者是也咸豐三年燬於賊同治八年

總兵曾紹霖捐建詩序詳藝文
龍王號詳鬼神

四官殿在北門外 烈士 在龍磯門左

法勝寺在蓮花池北岸明洪武僧法崇初建天順二年

荆靖王表請為祝聖道場得賜今額嘉靖十七年重

修咸豐間賊毀其剎像年久壁立同治丁卯務本堂
改修祀文武普化三帝君主詩詳藝文

五顯廟在第一關詳鬼神內

八蜡廟在第一關舊志遺詳鬼神內

蕪州志 卷之三十一

寺觀

十一

昭化寺在城北明荆府建成化八年僧智明重修記詳藝文

萬壽宮在羊子寮江之涯順治十五年豫章客建生員

盧灝施基道光二十九年水圯

百神廟在小西門外乾隆十二年僧廣照重修道光二

十九年水圯

白馬將軍廟在西門城內因舊宇太狹道光二十八年

監生李蔭福捐基拓建白馬將軍姓胡名成宋進士

為崇居胡海始祖

國初土寇為亂將軍保護之功甚多策山亦有廟祀志畧

魯王廟在小西門內

高山廟在北門外

三閣庵在南門外今廢

祇園庵在泮池左今廢

慈雲庵在迎山鄉官饒京建盧絃修

大同青山俱有此庵

武當行宮在州治右荆府建今廢

三閭祠其址舊有五一在遞運所一在鴻宿州一在羊

子寮一在挂口一在王厰今俱廢

蘄州志

卷之三十

寺觀

十三

所嗣宮在四祖寺左荆府建

咸豐間賊熾同治甲戌知州封捐廉倡眾重修

三聖宮在州治前向專祀武聖道光十一年因武當宮

火星廟祇園庵俱毀移三廟神像供奉於此遂改武

聖宮為三聖宮

極樂庵在迎山

三元宮在都司署前

慧照庵在鳳凰山下

七聖廟在城守署右

外行宮在全勝坊對面有歸善堂內即三鶴樓

霞蔚庵在南門內

本詳潘志

天王廟在熊化嶺附近有準提即第一社

火星廟在南門內今廢附見前三聖宮內

芭茅山廟祀總管星吉

詳鬼神內

在鳳山門

龍峯寺在州北挂口

大泉寺在州東大泉山鄉官李本衍建

華頂庵在州東大泉山陳士循建

馬王廟今改名護國廟在都司署左道光二十八年營

兵重建

蘄州志

卷之三十一

寺觀

十四

仙塔寺在渴口

威靈都廟在渴口下市

慈雲閣在渴口下

靖明寺在靖明山

今呼太平岩

唐建明宏治中重建見鐘文

白茅堂集詩詳藝文

按靖明寺一名積善寺鐘皆銅鑄成聲音洪亮可遠

聞數十里寺內重器也

廣教寺在白雲山下明洪武間僧守住修正統間僧明

鐸重建順治初天章禪師重建同治間

白茅堂集

菩提寺在州東三十里菩提壩正統六年僧智英重修
四宮太子廟在菩提壩湖畔

開通寺在州治東北六十里高山舖左紫玉山光緒八
年僧妙仙重修 詩詳藝文

萬善禪林在州治東三十里黃土埠黃氏香火

前定庵在州治東三十里曹英戶香火

下河廟在州治東二十五里明庠生張文幟及弟貢生
文同建捐有香火田

南泉寺在州東十里

寺觀

蕪州志

卷之三

十五

麻背廟在安二關沙河

新林寺在治東四十五里

萬應庵在展旗砦

古泉庵在治東七十五里嘉靖間僧先枝重修

顯靈廟在治東七十里康熙癸巳間建廟前古柏二株
甚蒼秀

城隍廟在羅州城內

楊泗廟在漕河下市乾隆間沔陽人募建 楊泗水神
舟人所祀出處未詳

三官殿卽翠雲庵在渴口中市陳國棟捐建眾姓共置
香火田

萬壽庵在治北四十里

朝陽庵在治北四十里

楊公潭廟在治北二十里

代明宮在治北五十里

萬善庵在大旺山麓

地藏寺在治東十里黃氏香火

沙徑寺在治北十五里明景泰間僧明珍修

蕪州志

卷之三

寺觀

十六

靈泉寺在治東八十里明景泰僧智寶修

福勝庵在治東四十里盧時俊施基并香火田

國初僧圓理圓明募建

詩詳藝文

甯泉寺在三渡橋王氏香火

廣福寺在安平鄉

雲蔭雲覆二庵在治東二十里黃氏香火

華嚴庵在治東大徑橋一名顧家庵顧氏香火

圓峯寺在圓峯山西蜀僧二梵卓錫於此旁有亭土人

王氏所建卽祖師真身所藏處

志畧

長流寺在治西四十五里

漁田寺在永福西湖尾有賈島詩刻今佚管氏香火

金山寺在馬驊山久廢

龍窟寺在高家衝有龍窟井

靈虬寺在治北七十里明正統間僧福興重修

顧黃公有山僧說靈茶詩自註云產寶掌道場相傳

仙媪指出

鎮國寺在策山生員張錫爵建

城山寺在城山巔

蕪州志

卷之三

寺觀

十七

永福寺在治西雲峯山明洪武間建

茶庵在彭思橋

歷化寺在歷化坳

策山寺在西瓜尖

衍慶庵在玉屏山生員張錫爵妻楊氏建

三祈庵朝陽觀龍井庵俱在永福

福勝寺在五藥山之側有井歲旱不涸

斗姥宮在彭思橋下

青龍庵在永福二圖去廟里許卽畱月井

靈官廟上晏公廟濟渡庵下晏公廟在散花洲

宏化寺在治西北五十里宋建張氏香火

茅山大王廟在治西北六十里唐時建

國朝道光間募修

太子廟在張雷沖頂

科亭寺在青山何萬章口相傳唐時建里因以寺得名里中二十戶公所也寺側有首烏成人形數百年物也陳虞部有句云古木寒泉聯夜雨寺名鐘欵紀前

朝編戶錄

蘄州志

卷之三十一

寺觀

六

松山寺在治北一百一十里松山衝頂碧雲峯明永樂

間龍虎禪師卓錫於此旁有古松一株蒼古如畫

三洞龍王廟在三角山宋慶厯間祈雨有應封侯紹興

間進封王

龍門資教寺在三角山後梁僧慈應荆宋仁宗賜額龍

門高宗加贈資教元至正間比丘德明有碑記明洪

武元年僧正果重修

按唐伏虎禪師卓錫於此見仙釋志因祈雨輒應宋

仁宗高宗俱有賜號

古佛寺在州北百二十里僧智誠建涂元施有祀田
福興寺在陳家壩明荆王建

達城廟在達城河祀二令相公相傳爲洞庭神

白塔寺在治北八十里

桃園庵在治北九十里李勝高勝祖建并施田課一百
擔

萬壽庵在分路街蔡家冲駱恭先妻陳氏施並捐香火
田

大慈庵陳華重建施有香火田

蕪州志

卷之三十一

寺觀

十九

蘇木堂僧漢月建今更名威濟庵陳氏香火

大琳宮在黃城河口

高店廟在廠脚樓

仁壽庵胡以蔡建

東山庵胡學晟建

廣福庵在陳家壩上

龍崖寺僧止水建今廢

龍會寺在青山

遠塵庵僧自成建後傾圮道光間職員陳國治捐建

關溪寺在關溪河李氏香火有齋田

天臺寺在治北八十五里

慧連庵在治北九十里

洞下庵在治北百二十里康熙間何元賜捐建

龍泉庵在治北八十五里

智慧庵在火燄沖駱氏香火

文昌宮在分路街監生駱炳生員武繩其募建爲里中

士子結文社處旁有字藏

太平庵在治北八十里

蕪州志

卷之三十一

寺觀

二十

菊蘭庵在治北八十里

陳家庵在治北八十里

契如庵在治北九十里生員駱仁止建并捐田課七十

七石六斗孫杼慧募燈田課二十七石

隨靜庵俗呼駱家庵駱仁止建

錫麟庵俗呼李家庵在火燄沖口

國初李氏建有香火田道光六年駱兩階捐募重修增置

田課

廣惠寺在分路街何榮八建

靈鷲寺在郝家塢胡心鑑兄弟建

文殊庵在獅子口市明時建嘉慶丁巳市人重修今改爲武聖宮陳愚谷有記詳藝文

大王廟一在野雞窠一在分路街祀牛馬大王最靈顯

明聖廟 朝陽菴 白雲觀俱在東北百里黃姓香火

白衣庵在治北九十里生員駱洪建

紫雲庵在黃茅尖下王氏香火

三泉庵在三角山北左有石屹立明州人陳仲悌鑄清風高舉四大字 又有龍洞寺在三角大巔之下祀

蘄州志

卷之三十一

寺觀

二一

三洞龍王詳鬼神內因傾地道光間職員陳國治募化重修

一空庵僧一空建

黃金廟在胡敬沖祀三司總管

南陽寺在青山坳土地坪廟在董家沖頂祀梓潼

天長觀在劉公河上晉永熙間王全真人荆明洪武間道士蔡會祥正德間道士盛從改建

金鷲寺在治東北百二十里通志謂嘗有金鷲出石間其上有籠鷲石

手巾庵在張德斌沖張氏香火

旁有石洞張巾祖師真身在焉

志畧

高溪寺在高溪畝宋紹興間僧白崖建

詩詳藝文

大竺寺在治北百三十里明洪武十三年僧印信修

士子庵原名賜子庵生員胡宣典等改建今名爲士子

肄業處

羅漢廟在羅漢尖下曹姓香火宇外有古松二株蓋數

百年物附近有白雲庵談姓香火

六度庵在州北百四十里監生吳璘改建所捐賑族義

蘄州志

卷之三十一

寺觀

二二

倉在內 今廢

石觀音寺在崇居

寶林寺在治北百五十里唐貞觀時建明洪武二年僧

無塵重建

明善寺在治北百三十五里明吳管財管珍建

風嶺寺在治北百四十里太平山吳友朋建

蓮花庵在治東北百里下有市集

樂如庵在青 石嶺後陳時疏建捐有香火田

白雲觀在北極尖下陳仲建施有齋田

雲蓋寺在橫岡山上有祖翁殿靳廣二處共祀
隱靜庵在治東北百四十里明萬曆中王氏建
雲峯庵在治東北百五十里

國初張氏建

白石庵在治東北百五十里明宣德中陳氏建附近有

瑞龍庵

總管廟在聶家壩

河東悟真庵黃泥堂俱陳氏建

雲林宮在胡家涼亭祀張七相公卽麻城所稱蓋天帝

蕪州志

卷之三十一

寺觀

二三

主是也

太尉廟在治東北百六十里王裕冲

田太尉相傳卽唐雷萬春也以雷爲田正與程史所
載成都優伶謬稱田萬春至於祖禡奮拳遽曰有兩
頭也得以諷主司者相似然彼以爲戲言而此以爲

實事何也辨論雷田事見程史第十卷 編戶錄

康仙寶殿在康宗堡 一作師 今改爲康國公祠 編戶錄

康茂才從明太祖有大功封爲蕪國公今居康家冲
者皆其苗裔也 志畧

槎真寺在康宗堡上冲士人呼槎爲遮呼真爲禁以鐘
驗之知爲音近之訛而實則名雜正也一名秀峯寺

編戶
錄

宏慧寺舊名清溪在大同巡檢司署側宋僧紹慶翔建

明初僧道真修宏治間奉勅改建

詳仙釋志內源潭
傳寺內有明中丞

石崑
玉碑

元善寺在治北百八十里燕子崖下明末邑人胡士鼎
避賊於此及賊至縱火焚之鼎夢有人掣置深潭中
乃抱木而浮遂卽其地建寺

蘄州志

卷之三十一

寺觀

一四

紫金寺在治北百八十五里四祖寺僧如齊修

紫金寺長峪里七戶約所有鐵碑

編戶錄

成真寺一名瞿金唐貞觀間章金馬祖師建後改爲存

金在治北百六十里嘉慶間僧博也重修

按舊志瞿金存金作二寺一如青山寺內龍門資教

三角資教分爲二寺同一重載

溪山寺在治北百四十里宋元豐間道士桂道籙荆明

洪武間道士江秋修萬曆己亥張清才分承買重建

山有樸樹五株今合爲一蓋前代物也

天真觀在州北百九十里元至正間道士詹道元創明
洪武間道士王嗣斌重建

觀左有太源山東嶽廟高砂里十三戶公所也

編戶錄

迴龍寺在葛場山田祿戶建施有香火田

普照庵在葉家山

盤石寺在治東北百八十里唐貞觀間僧合一建

三峯庵在治北二百里僧智誠建

朝西庵在大同僧宗一開禪於此雲隱寺亦在此

烈士庵在大同司祀田金浦

蘄州志

卷之三十一

寺觀

二五

仙人臺仙人劉五劉六修真處山塢有寺正德間州人

郝守正讀書於此

天池庵在治北百四十里前明宋氏建乾隆年間張文

清祖承買重建永爲香火

桃園庵在治北百四十里

西崖寺在治北百三十里

萬壽庵有二一爲韓甲元建一爲張必相建

鎮定庵鹿苑庵南屏廟衍慶庵明時建孫氏香火

觀音庵明時建文氏香火

龍興寺康熙間建

鐵佛庵吳氏建土人得鐵佛二尊明萬曆時建故名
城隍廟在大同司署程碩卿建

普陀庵在仙人臺下

紫荊寺在治北百四十五里舒祖師修煉處

白蓮寺在將軍山下

以上舊志

大王廟在大同鄉長安卡外丁家畝

神姓蔡名萬春唐宋俱有勅封相傳明季流賊攻長
城寨神以神兵暗堵賊見裝束類廟中神像削一足

蘄州志

卷之三十

寺觀

二六

次日見護寨者有跛相遂毀其廟至今修整金身所
削之足續則必斷咸豐戊午年官軍守長安卡每出
兵隱見旗矛自廟出輒獲全勝離廟三四里有石馬
槽二爲大王所遺土人謂不可動動則雷雨交至亦
奇蹟也

同緣菴在魏家河後僧能元募建湯魏二姓捐齋田石
壁鐫有阿彌陀佛四字

太平宮在大同司署前面山宋管爵建捐田稞二十四
擔

桃源菴在白水坂上衝宋評士建捐田稞百二十擔

雲天菴近桃源菴宋氏建

廻龍菴在田祿灣田祿戶建施有香火田同治間倒塌
貢生田瓊林倡首重修廩生田樹芳撰有祠廟合碑

懷林菴在田祿灣田萬金建捐田稞三十擔

普濟寺田相楸募建

普陀菴在仙人臺下仙人衝

永慶菴在仙人臺下仙人衝

丁公祠在檀林河祀鹽運使銜丁銳義咸豐九年勦賊

蘄州志

卷之三十

寺觀

二七

至江南三河殉節後提督軍門梁鴻勝捐建置有田
租十九擔孫振全亦助貲以爲修祠之費

崇國寺在州治北百五十里范氏建

香鑪石廟范氏建

西竺菴在青山上鄉張家坪吳廷昌建捐有山場田課
世順菴在獅子口下街內祀 關聖像於氏夫婦年老
無嗣捐有田課亦設木主祀之

碧雲菴在青山上鄉檀 岡吳登元兄弟同建置有山

場田課

萬福菴在治東北百二十里明萬曆年間蔡永耀建今
爲八股香火

武聖宮在治東北百二十里芭茅街中光緒六年從九
張彩章募建爲本處眾姓公所

永安寺在治東北百一十里永安寨內同治九年眾姓
公建

靈鷲菴一名碧雲菴在大同鄉將軍山太學生陳紹瀛
捐置田課三十三石

接引菴在州北百一十里

蘄州志

卷之三十一

寺觀

二八

紫雲宮在治北東一百里蓮花菴下街中同治年間太
學生龔漢亭募建龔本理本建捐基

龍泉菴太學生吳善鏞建捐齋田七斗五升

廣緣寺在治東北一百里同治九年太學生龔夢兄弟
七人於寺中設育嬰堂捐置洪祖二等處田課二百
一十餘石計價足錢一千四百餘串以爲收養費用
前知州黃 獎以情殷保赤匾額

添壽菴鄒姓香火

萬福菴郝金蘭創建郝姓香火

何家菴何姓香火

悉新閣 聚星館 俱在崇居鄉黃信甫先塋水口螭

堆山下後崖石有眠牛形宛然如刻左距河數弓前
臨小港港入河有石梁名浴佛橋黃樂道樸軒品菴
祖支下同建

永興寺在大同鄉楊家山黃樸軒品菴祖支下香火

郝家洞吳邦文香火

柏鑪菴在治東崇居鄉離城九十里有明萬曆間石鼎
重千觔光可鑑人張受戶柏梁祖香火

蘄州志

卷之三十一

寺觀

二九

寶月菴在治東北一百里龔姓香火

復興寺原名皇經菴在治東北一百里陳龔二姓香火

東嶽廟在黃婆坳安平鄉二圖三圖公建

天竺寺在龍頂寨內朱榮香火

新林寺在州東四十五里岡淪癸酉例貢陳春貴捐貲
重修永爲香火

關帝廟在竹瓦店安二公所

永豐菴卽翠雲衝

太尉菴在永福寺西

西竺菴卽三教堂

太子廟在龍頂寨西麓

岐山廟在仰山廟北

圓通寺在高陽山

永福寺在下陳隆

長壽菴在棠梨均

仰山廟在上陳興

迴復寺在蘇家圩

清化寺在蘇家圩

蕪州志

卷之三十一

寺觀

三十

迴聖廟在竹瓦店西

田墩廟在竹瓦店西

孫家菴在竹瓦店西

蔡家菴在竹瓦店

月塘寺在老鶴嘴

天元寺在老鶴嘴

三元宮在老鶴嘴

東福村在下河廟北

西福寺在下河廟北

諸祖廟在下河廟北

眞如菴在治東三十里

若與菴在治東三十里

兩台山在治東三十里

元眞觀在治北九十里許景常祖建並捐田課三十五

石咸豐初燬於賊光緒六年監生許恭發重修

龍王菴在安平鄉四圍九甲離城七十里

靈長菴在東關外二里張家油坊

龍隱寺在永福西湖嘴明中憲大夫周祈捐建有碑

蘄州志

卷之三十一

寺觀

三一

雲龍菴在大旺山北麓治東五十里

禹王閣在米家山麓治北五十里江姓香火

金龍寺在米家山治北五十里曹姓香火

青林寺在米家山治北五十里

顯靈廟在州治東七十里

兩松菴在州治北六十里

武聖宮在崇居鄉望天畝

重慶菴張其仁香火捐課三十擔

慶雲菴許子美香火捐課三十二擔

普渡寺張道祖香火捐課二十六擔

興福菴俗名麀鹿坪明貢其志施建後燬於兵 國初

貢瓊祖支下復重修之

貢家菴貢立菴施建

同春寺在鼓角砦

安樂壇在張家塋河西明天啟年間建湯范蔡文江徐

六姓香火

錦善菴在汪家瓢鋪汪建唐祖捐建

天姥宮在董家山下汪胡二姓同建

蘄州志

卷之三十一

寺觀

三三

棲賢寺在荷槎山汪大榛祖捐建

朝天宮在葛場山左汪志華祖捐建

武聖宮在汪家壩汪大榛祖捐建

寒林禪寺在六溪沖上文家山汪大榛大洛二祖捐建

勝峯菴在馬鞍山汪則漢祖捐建

白崖寺在治北百四十五里唐時僧白崖飛昇處今爲

梅氏香火

明善禪林在治北百四十五里前明吳氏建同治八年

僧佛引開禪處山有虎患佛引與其徒棒殺之居民

獲安此卽前明善寺僧人重載生員吳鴻漸等稟

萬善寺在治北百三十里前明周易建

大王廟在策山砦下內祀白馬將軍張氏香火

芙蓉寺在州北七十五里劉伏三建

大慈閣在州北七十三里李玉重建

福興菴在州北七十八里李應其等建

天然菴在州北七十里張瞬建

如如菴在州北六十里李成軒建

雲霧菴在矛摩砦山

蘄州志

卷之三十一

寺觀

三三

雙泉菴在州北七十里李高九建

龍井菴在靈虬山熊金璧捐建

金山寺在馬驊山徐演捐建

大王廟在馬驊山獅子頭徐演捐建

廣慈菴在王家山熊鍵妻林氏捐

龍華菴在火鑪鋪東

普濟菴在靈虬山菴後有極樂宮

片雲菴在州東北百二十里何其重祖建

法慧菴在州西六十里蘆花井孫繼麟捐建置有田地

普會寺在州東北百二十里

芙蓉廟在州東北百里胡姓香火

靖明寺在州東四十里大旺砦西門內童氏香火

石鼓寺在州北四十里走馬嶺

登西廟在州東北三十五里甘氏香火

西祖寺在州北三十里

代明宮在州北四十五里

太平菴在西角湖

迴清寺在州東三十五里

新州志

卷之三十一

寺觀

三四

東瑞菴在州北九十里

竹隱寺在州北九十里張文勝戶公建

南嶽寺在州北九十里

螺螄廟在石鼓沖口胡姓香火

田家菴在州北百三十里原名香山源泉菴田疇戶有

玉祖香火

延壽菴在州東北鼓角山宋末王月東祖建

宛中庵一名城隍墩在一關外

三義宮在天王廟間壁祀桃園附近有濟嬰堂

鬼神

古聖王以神道設教論語中庸每每言之則是鬼神者造化之功用也楚俗尙鬼而蘄尤甚盧志謂爲蘄一方專祀錢志因之今亦仍其目志鬼神

城隍自清泰以來歷代皆有封號

志畧

明初封京都城隍爲承天鑒國司民統神昇福大帝各府爲鑒察司民威靈公各州爲鑒察司民靈祐侯各縣爲鑒察司民靈祐伯

明集禮

謹按春明夢餘錄洪武二年始正稱號各府州縣城

蘄州志

卷之三

鬼神

三五

隍之神據此則州當稱靈祐侯舊志稱威靈公不免沿誤蘄俗先每歲六月六日謂城隍誕辰祭賽必備今改爲八月中旬

文昌宮有六星第一日上將第二曰次將第三曰貴相第四曰司命第五曰司中第六曰司祿

陷河神者嶠縣有張翁夫婦老而無子翁日往溪谷採薪以自給一日於岩竇間刃傷其指血旁注滴石穴中以木葉室之而歸他日復至其所抽木葉視之乃化爲一小蛇翁取於掌中戲玩移時此物似有所

戀因截竹貯而懷之至家則啖以雞肉如是甚馴擾
經時漸長一年後夜盜雞犬而食二年後盜羊豕鄰
家頗怪失其所畜翁嫗不言後縣令失一蜀馬尋其
跡入翁之居迫而訪之已吞在蛇腹矣令驚異因責
翁毒物翁伏罪欲殺之一夕雷電大震一縣并陷爲
巨湫渺瀰無際惟張翁夫婦獨存其後人蛇俱失因
改爲陷河縣曰蛇爲惡子爾後姚萇游蜀至梓潼嶺
上憩路旁有布衣來謂萇曰君宜早還秦秦人將無
主康濟者其在君乎請其氏曰吾張惡子也他日勿

蘄州志

卷之三

鬼神

三六

相忘萇還後果稱帝於長安因命使至蜀求之弗獲
遂立廟於所見之處今張相公廟是也唐僖宗幸蜀
其神自廟出十餘里側伏迎道左白霧之中髣髴見
其形像解佩劍賜之祝令效順期賊平駕迴廣贈珍
玩人莫敢窺

王氏見聞錄

梓潼帝君者記云神姓張名亞子居梓潼七曲山仕
晉戰沒人爲立廟唐元宗僖宗宋咸平中屢封至英
顯王道家謂帝命梓潼掌文昌府事及人間祿籍故
元世加爲帝君而天下學校多有祠祀之者明景泰

中因京師舊廟闢而新之歲以二月三日生辰遣官致祭夫梓潼顯靈於蜀廟食其地彼文昌六星與之無涉宜勅罷免其在天下學校者俱令折毀

明史

蜀山七曲神所宅之國元命實始吳會是以江湖以南神跡多著近世貴進士科士子以得失爲病自此始有司桂籍之說化書所謂九十四化變遷推移涉於不可測知

文文山集

魁星今人所奉魁星不知始自何年以奎爲文章之府故立廟祀之乃不能像奎而改奎爲魁又不能像魁

蘄州志

卷之三

鬼神

三七

而取之字形爲魁舉足而起其斗不知奎爲北方元武七宿之一魁爲北斗第一星所主不同而二字之音亦異今以文而祀乃不於奎而於魁宜乎今之應試而獲中者皆不識字之人歟

日知錄

二郎神有方士言蜀道永康軍城外崇德祠乃祠李太守父子也太守名冰秦時人嘗守其地有龍爲孽太守捕之且鑿崖中斷分江水一派入永康鎮孽龍於離堆之下有功於蜀人至今德之祠祭甚盛江鄉人亦祠之號曰灌口二郎

獨醒雜志

蜀中灌口二郎廟是李冰因開離堆立廟今來現譚多靈怪乃是他第二兒子出宋初間封爲王後宋徽宗好道遂改封爲真君張魏公用兵禱於其廟夜夢神語曰我向來封爲王有血食之奉故威福得行今號爲真君雖尊人以素食祭我無血食之奉故無威福之靈今須封我爲王當有威靈魏公遂乞復其封

朱子語類

元至順元年加封秦蜀郡李冰爲聖德廣裕英惠王其

子二郎爲英烈昭惠靈顯仁祐王

元史文宗紀

蘄州志

卷之三

鬼神

三

國朝雍正五年封蜀郡太守李冰爲敷澤興濟通祐王其

子二郎爲承績廣惠顯英王廟祀灌縣

大清會典

謹按舊志云舊稱導江縣高濟王次子秦李兆而今之所祀者又以爲赤城王考柳宗元龍城錄趙昱隋煬帝時爲蜀郡嘉州太守犍爲潭中有老蛟爲害昱入水斬之害遂息州人德之沒後祀爲神明唐太宗時封爲大將軍廟食灌口上皇幸蜀加封赤城王據此則二郎與赤城王爲兩人故辨正之廟祀詳城廂寺觀內

五顯五顯者水火木金土之精周於四郊祠五帝漢祠
五時李唐五神降稱爲五聖始荆廟立像又稱爲五
顯然廟號止名五通宋大觀中賜廟額曰靈順宣和
間封侯淳熙初封公嘉泰二年封王至理宗又改封
一曰顯聰昭應孚仁廣濟王二曰顯明昭烈孚義廣
祐王三曰顯正昭順孚智廣惠王四曰顯直昭佑孚
信廣澤王五曰顯德昭利孚禮廣成王自宋以後祠
宇徧天下或稱爲五聖或稱爲五顯或稱爲五通廟
貌服色則有青黃赤白黑之分隨五方之色也

周詔修拓

蘄州志

卷之三

鬼神

三九

五顯靈順廟碑

八蜡禮經郊特牲伊耆氏始爲八蜡蜡也者索也歲十
二月索萬物而合饗之也曰索饗者因先嗇而及司
嗇因農而及郵表畷以致坊與水庸之爲圃利猫虎
之能除害者皆報焉則有關於嗇事者求索殆盡矣

禮記析疑

周將軍關聖祠中皆塑周將軍其名則不見於史傳考
元魯貞漢壽亭侯廟碑已有乘赤兔兮從周倉語其
來已久其靈亦最著

灤陽消夏錄

總管芭茅山總管星吉元人也今國語解譯作桑嘉依
爲江西行省平章政事詔令守江州時江州已陷星
吉克江州畱兵守之而自據鄱陽口日久乏糧士卒
咸困賊發矢射星吉昏仆凡七日遂絕元史星吉傳
黑神唐南霽雲以保障江淮死祀爲水神舊志以爲三
閭大夫子非也

按陳虞部附說云競渡之事起於弔屈原此一說也
黑神則唐之南霽雲以保障江淮死祀爲水神此又
一說也總管之官元世亦有之以爲星吉亦無不可

蘄州志

卷之三

鬼神

四

但星吉之死在李黼殉節之後舊志云李黼葬之鳳
凰山非也且附總管於黑神之下其爲牽合附會不
足爲據可知志畧

舊志又載蕭公晏公黑神皆謂之江神按明統志蕭
公名伯軒江西新淦人死爲神宋咸淳間邑人立廟
祀之晏公清江人廟在臨江府東北三十里亦邑人
所祀皆江西禦災捍患之神與蘄地無涉全上

順濟龍王宋熙寧中王師南征有龍伏江中有司以聞
詔封王大觀中封靈順英昭安濟王蘄廟祀在龍磯

詳城廂寺觀內

三洞龍王在三角山相傳有龍潛洞中宋慶厯間祈雨有應詔封上洞靈祐侯東洞靈應侯一洞無攷紹興中祈雨又應俱進封王

按三角山水口有東龍巖西龍巖二洞意在此

高山郡王靖明大王莫詳緣起廟祀在城北

詳城廂寺觀內

三公土主者一提刑按察使何公一安撫使吳公一安撫使張公皆有惠澤於蘄廟祀在城內

白馬神廟祀在州城大街中石碑現存相傳有大賈乘

蘄州志

卷之三

鬼神

四一

白馬過蘄爲人劫殺遂爲神故蘄有白馬渡云

張王唐張睢陽像旁塑許遠雷萬春以從祀揚州志謂爲張士誠父非也蘄俗於五月中旬迎其神導衛甚盛鄉村各爲社或相值爭道以毆謂之撞張王又作紙船揚旂旛於其上送之江謂之送瘟豈沿公死爲厲鬼一語而誤歟

張七相公名瑞四川壁山人幼學道由川入楚毀沿江淫祠至麻城遂下獄時麻城有火災釋而捍之跨烏騅執朱梃指火火滅歸至西門外五腦山人馬俱化

土人建祠祀焉宋封紫威侯明封助國順天王

國朝加封靈感二字爲川楚禦災捍患之神廟祀在崇居

通志

三司總管不知何處人祈禱輒應廟祀在青山

二令相公相傳爲洞庭神亦楊四張七之類廟祀在青

山

儼神古稱高陽氏第三子沒而爲儼蘄所祀非此其神

有四中一黃衣冠如帝者曰唐明皇三少年花衣帽

從曰太尉按搜神記天寶時田氏兄弟三人尙游俠

蘄州志

卷之三

鬼神

四二

醉臥天津橋明皇微行見之戲命墨粉塗其面相視

大笑遂死見夢於帝曰臣兄弟蒙賜粉墨魂不知所

歸乞臣何職帝曰命汝爲儼神每春陽巡行花柳可

乎因令郡邑塑三人像賜號太尉自是帝屢夢挾三

人游蘄事儼七十有二家每孟春昇神遍歷其家至

則男女羅拜鉦鼓喧闐旌旆雜沓神降送以歌歌聲

烏烏畢則內神於廟廟祀向在郎家畝今廢

以上舊志

田太尉亦儼神之類緣起詳崇居寺觀內

四宮太子相傳爲禹王子佐治水有功後封烈靈侯蘄

撫聞

狂夫之言聖人擇焉其傳聞於父老者不必盡非也
茲於舊志軼事外畧復綴拾一二以與其地掌故相
發明虞初九百雖多無取焉志撫聞

郎中李播典蘄州日有李生者稱舉子來謁會播有疾
病子弟見之覽所投詩卷咸播之詩也既退呈於播
驚曰此皆應舉時所行卷也唯易其名矣明日遣其
子邀李坐從容詰之曰奉大人咨問此卷莫非秀才
自製乎李生聞語色變曰是某平生苦心所著非謬

蘄州志

卷之三

撫聞

四三

也子又曰此是大人文戰時卷也兼賤翰未更請秀
才勿妄言遽曰某向來誠爲誑耳二十年前實於京
輦書肆中以百錢贖得者不知是賢尊郎中佳製下
情不勝恐悚子復聞於播笑曰是無能之輩耳亦何
怪乎饑窮若是實可哀也遂沽以生餼令子延食於
書齋數日後辭他適遺之縑繒是日播方引見李生
拜謝前事畢又云某執郎中盛卷游於江淮間已二
十載矣今欲希見惠可乎所貴光揚旅寓曰此乃某
昔歲未成時所懷之者今日老爲郡收無用處便奉

獻可矣亦無愧色旋置袖中播又曰秀才今擬何之
生曰將往江陵謁表丈盧尚書耳播曰賢表丈任何
官曰現爲荆南節度使播曰名何也對曰名宏宜播
拍手大笑曰秀才又錯也荆門盧尚書是某親表丈
生慚悸失次乃復進曰誠若郎中之言則並荆南表
丈一時曲取於是再拜而出播嘆曰世上有如此人
哉蘄州遂話爲笑柄 太平廣記

慎氏毗陵凌亭之女也三史嚴灌夫因游彼結媼好載
歸蘄春經十餘秋無允嗣灌夫乃拾其過而出之令

蘄州志

卷之三

據聞

四

歸二浙慎氏慨然登舟親戚臨流相送乃爲詩以語
灌夫覽詩畢悽感遂爲夫婦如初其詩曰當時心事
已相關雨散雲飛一餉間便是孤帆從此去不堪重
過望夫山 雲溪友議

江淮有何亞秦彎弓三百觔常解鬪牛脫其一角又過
蘄州遇一人長六尺髯甚口呼亞秦負我過橋亞秦
知其非人因爲背覺腦冷如冰卽投至交牛柱乃擊
之化爲杉人瀝血升餘 酉陽雜俎

諸祐蘄州獨木人自言不茹葷者數世能使貧者富富

者貧里民稍稍效之其徒十數男女猱雜互易匹耦
謂之忍辱生子不知其父行之數年積數百眾夜行
晝息取資於盜競相推唱云祐術能昇虛空入水火
妄意民藏潛使致之而民弗覺也先陳起僑斬春惡
其妖昇元中起第進士授黃梅令到官之日里首畢
賀祐獨不至數日起命籍祐爲里長不服祐嫂言曰
吾取令頭殺豎子爾起聞大怒會周隣爲巡撫使師
次黃梅起藉其兵以執祐等並其婦人幼稚皆縛沃
以豕血祐迄不能神因索其家得輿服器用皆將至

蘄州志

卷之三十一

撫聞

四五

貴郡將斬祐等曰婦人何能爲幼稚宜無預意且貫
之起曰此皆瀆亂人倫去無遺類遂並斬之起由是

知名遷監察御史卒

馬氏南唐書

陳曙蜀人舉進士唐末避地淮南多遯於蘄州山中鄉
人有會集或祭神曙不待召而至醉飽乃辭去由是
人多設虛坐陳酒殽以俟之同日或至數家舍中惟
一榻素書數卷與蛇虎雜居不設牕戶雨雪滿室亦
自若人有乘其出往窺之者曙必自外來凡數十年
顏鬢不少異元宗命中書舍人高越召之不肯起後

徙居鄂渚及洪之西山不知所終

陸氏南唐書

蘄州有鬼鳥宋王禹偁自黃徙蘄聞此鳥詢其名或答曰此名蘄州鬼禹偁大惡之未幾果卒蘇子瞻作禽言詩曰使君向蘄州更唱蘄州鬼我不識使君甯知使君死人生作鬼會不免使君已老知何晚今按蘄原無此鳥或謂卽梟鳥俗名扛喪聞其聲卽惡爲不祥然此鳥處處有之春夏間卵哺時多夜鳴何指爲蘄有也

一統志

傅七郎者蘄春人其第二子傅九年二十九好狎游常

蘄州志

卷之三十一

撫聞

四六

爲娼家營辦生業遂與散樂林小姐綢繆約竊負逃林母防其女嚴緊志不能遂淳熙十六年九月因夜宿用幔帶兩條接連共縊於室內明日母告官驗實收葬紹熙三年春吉州蘇客逢兩人於泰州酒肆爲主家當饌供役蘇嘗識傅問其去鄉之因笑而不答蘇買酒飲散明日往尋之主人言傅九郎夫婦在此相伴兩載昨晚一客來似說其宿過羞愧不食至夜同竄去今不可復詢所在也

夷堅志

宋理宗景定二年安撫使王益避亂率民保鴻宿洲築

城於今治麟山之陽掘地得墓碣云本是千年地誓借五百年感謝王刺史移我過西川按王益爲知州稱安撫誤舊傳爲郭景純所畱自晉迄宋末不止五百年又傳荆藩建邸時所獲皆誤

一統志

蘄春縣大同鄉人黃元功富室也佃僕張甲受田七十里外查梨山下紹熙初無疾而死體未全冷妻已治棺三日不忍斂但泣守其側忽起坐言曰我承得文引差遣黃解元可速具食命置草鞋一雙妻不敢問卽辦之張不下席而飲自空鞋失所在復瞑目明日

蘄州志

卷之三

撫聞

四七

又寤一切如前及寤雙屨皆破云方始追得今次與汝相別從此長往不復甦黃解元者卽元功也

夷堅志

禮部林郎中言兵部許侍郎昔爲翰林學士忽夢著綠心甚惡之未幾奪職以起居舍人知蘄州然未見著綠之應官制旣行改朝散郎本階正合衣綠方悟前夢之可信也

文昌新錄

蘄州境有三洞一曰龍洞在三角山下神龍居之禱雨皆應而光景變化未嘗表露二曰龜洞在廣教山下龜生其中品類不一而綠毛者尤多三曰蛇洞在蘄

口鎮側即今龍峯山

蓋白花所聚今不復有矣土人捕採

乃出羅田山谷中施小路温舒自信陽解印造朝舟抵蘄口詣近處龍峯寺游觀距蛇洞不遠詢於寺僧皆言徒有其名耳因信步到方丈後躡石級百層得一堂方疊足坐憩旁人驚曰一巨蛇蟠屈於下相與持梃擊逐施下榻蛇逕入山見者無不汗駭此蛇之毒甚於蝮或為所傷即急剜其肉少緩則徧體盡生白紋方花如其形不踰時即死到闕除蘄春守蓋且將為地主故山川之靈陰相之特令此物出異以示

蘄州志

卷之三十一

撫聞

四八

眾吁其危哉言之令人毛豎

洪邁夷堅志

白承節樂平人淳熙初監蘄口鎮市客金生抱販米帛每出入鎮宅甚熟一日量籌畢束縛物貨頓几上聞譚市井商事問答頗久出酒炙飲食之所坐靜僻白竊取其邵陽隔織雨匹藏篋中胡妹壻自外至適見之謂與為戲耳客酒罷徑肩所齎行次日點閱不見亦但疑宅人故相惱不深介意至暮乃以為請乞為詢究白怒曰我固卑正是本鎮官如何擅誣作賊客翻遜謝收淚去後子天逝其母石氏痛之極空篋

以爲斂兩匹在焉胡妹婿來弔見之極嘆惜

通志

蘄州民費翁家素頗裕生二子長曰小二次曰小三長者事親極孝逐日辛苦經營纖微收拾悉以供父母季殊不然方七歲見父如仇未嘗見面話語至慶元元年十有九歲矣其年三月盜錢用數十千賭博又詣市買刀宣言悖逆或報其父父遂避於接子山寺中相去五里有趙氏菴老僧宗顯忽遣侍史邀相見逆子踵至使闌入別室然後謂翁曰是皆宿世因緣當爲汝解之翁拜謝宗顯旋呼季使來座下卽懼然

蘄州志

卷之三

撫聞

四九

作禮願充弟子之列顯命翁還家頃售所蓄得錢四百千顯爲辨餘直置祠部牒至九月度季爲僧立名法淨才踰月顯坐化去

通志

康茂才以元進士授南康太守歸命明太祖康郎山之戰厥爲首庸太祖既定天下論功錫爵爰封蘄國公子鐸錫爵蘄春侯靖建文之難時鐸守後宰門勒兵拒命死遂失封世宗起藩邸入纘大統念康公爲楚人功大殄祀甚憫悼勅湖撫下郡邑求康氏子孫時康姓居青山鄉聞命驚錯以爲靖難禍復作恐陷族

誅有司求急康氏議一椎魯之人稱爲嫡派赴京陛
見上不樂止襲畱京錦衣千戶又別支有流寓燕者
號明元光宗爲太子時明元以黃冠奉祀太清宮香
火太子素習勤苦常諮訪民間事明元乘間陳先世
失封狀太子允復其封尋一月崩遂未議及蘄庠生
康再奇字鳴來蘄國嫡裔其始封券及宋濂所撰制
誥萬厯間州守徐徵驗其券復其丁徭二十戶以示
優恤 四照堂集

刑部尙書馮天馭張夫人無子鍾愛其女十歲時尙烏

蘄州志

卷之三

撫聞

五十

帽錦袍揖見縉紳大老於邸第大學士嚴嵩見之欲
爲媼姪奉酒上壽公佯醉嚴大慙嗾給事中侯某劾
尙書致仕 顧氏家傳

隆慶辛未夏秋大水蘄黃濱江之地鼯鼠徧野皆鯽魚
所化蘆稼諸根齧食殆盡 正字通

萬厯己未間土人於江中之散花洲得小鐘一口擊之
無聲以獻之兵憲王公迴溪亦不能識時太宗伯李
公本甯過蘄王公質之李公曰此三國時周公瑾破
曹兵軍中會食之鐘也共十有二以重物擊之無聲

以蘆葦輕擊之其聲始發駭之果然

蘆志

御史王珙字大美號荆石蘄州人官蘇松直指初苦無子以祈嗣請於先師三昧老人老人適開創黃梅四祖寺因令創醫祖殿於正位必保得子公篤信頓發肯心乃獨力創建備極壯麗甲於楚中殿成公旋得子又闖賊將破蘄忽一老僧趺坐公門七日公出見問何所募僧曰不募別事止化居士一門剃髮出家公曰吾忝在宦家如何一門能剃削乎老僧曰稍遲大禍立至矣言訖忽不見公憬然大悟曰此必四祖

蘄州志

卷之三十一

燕聞

五一

現身說法也乃聚青黑衣帳幃幔盡製爲僧帽將百頂一家老幼皆剃髮忽報城陷遁入城北隅四祖寺全家獲免

說鈴

沈士望州諸生崇禎末上書召見授兵部參議輔臣厭之移送江督袁繼咸幕

白茅堂集

州人王居士年四十不娶若狂易鄉人共笑罵蘄陷自危堞踊下身無所損結茅廬山清涼臺齧齧縣空下臨百仞常月餘不食客至戰慄不敢上居士遙望大笑而已無名字自言曰我仲尼之徒因號尼徒居士

白茅
堂集

故判定王樂工周諒其先元樞密使名信初洪武初編
入教坊孫某正統初賜荆憲王至定王時諒以技冠
教坊嗣王尤愛之國亡爲道士

白茅堂集

諒爲人勇

力善幻以響馬株連繫刑部獄崇禎乙巳應募爲兵
敗歸鄉里麻城土寇白么兒據虎頭關諒擊散王遽
召還

白茅堂詩注

蘄俗近文雅善歌者多習吳中雅調雖布衣之士咸能
以絕技擅名如黃綺雲之善謎馮道衡之善奕雖曰

蘄州志

卷之

三十

撫聞

五二

小技王公大人亦樂與游至今猶述爲里中美譚也
蘄山水秀麗人文故多應之遠不可考近代王公折節
樂與士大夫游往往結爲詩社宗潘中以繪事擅名
者如竹侶之草蟲定王之菊竹鑑虛之松梅季御伯
誠之水墨花卉維宗之松書則如震岳仲良龍渭諸
昆季皆得飄然蕭灑之意縉紳之工書者若王之栩
號天目王之鼎字定仲李新字庚伯王可象字孝儀
王縉號意菴而諸生中有袁素亮字公寥鍾士良字
伯駿陳之京字覲北王瑄字大玉周至德字文仲張

效鍾字期伯陳宰字屠長盧紳字元薦周宏德字叔毅袁道長字天侔其楷書行草皆擅絕一時藝林翹楚

浦心韋蘄州人爲荆藩良醫所精太素脉是時諸生中名噪人耳者唯予與蕭東曙浦一夕延予至其家曰勿飲酒夜半吾當爲子候脉既候而嘆曰吾意子少年科第將有所託今科第雖不可得而心脉起一峯將來必以文章名世吉祥壽考固不待言矣惟蕭脉七斷八截恐非令終之客及城破蕭死獨慘然後知

蘄州志

卷之三十

撫聞

五三

浦術之精

耳提錄

明季州人文頗盛應試常數千人額亦無定并宗學約五六十名試場於雨湖西岸爲棚或以繩區之諸童入庠後各持香楮至其處云辭季家觜又諸童入庠歸次日晨早各穿巾服詣藩邸朝王王御殿諸璫如數捧茶至階下飲之各分賜紙筆謝恩而出

舊志

蕭霽字東曙長子一歲每與予卽席賦詩皆頃刻就贈予有云欲擬逸才何所似裁雲鏤月作詩篇嘗賦也
峒行見嘲畧云顧生意氣何揚揚鼻頭吐火眼出光

自言有詩二百章踵門長跪求雌黃豈知小巫神氣
澀幾欲出手還沮藏鍾會隔牆擲四本不敢對面投
嵇康子戲賦龍嶠行答之有云豈知仙經荆可假手
執靈文故瀟灑願爲橋上投書人不識爐頭畫灰者
東曙跣足至大叫傖何目我做不得癸未張獻逆屠
靳予家以貞節感賊免害東曙被執詈賊賊嚮之痛
哉後予說向張公亮先生先生曰蕭詩輕露君辭重
渾吉凶所以異也東曙有集十卷編類書名道器括
囊一千六百卷並失又嘗謂予曰一穴不兩蛟我當

蘄州志

卷之三十

撫聞

五四

殺汝予笑曰君當爲員俶我爲李泌何至相殺耶

黃公

詩話

崇禎十年冬寇犯黃州總兵張一龍駐蘄州馭下急僧
夫刺一龍不中軍譟十四年大饑先是地震釜底皆
有篆文有鄉民四歲兒一夜變爲番僧狀又楓樹生
花如蓮江上雷震一物魚身牛首青山鄉周某家水
甕汲滿立涸漩渦作聲城東李姓家地下有聲如牛
至是大旱疫民死十之六七十五年秋瓦雀數萬自
投湖冬鐘鼓自鳴十六年正月城陷賊令男婦拆城

人石俱下城與屍齊乃止

顧氏家傳

樊山王次子常采封鎮國將軍崇禎十二年獻逆破襄陽劫藩府將軍挈家人一夕遁長史追不及失所往十六年獻逆陷蘄屠之僂荆王屍郡王皆被害劫諸妃夫人將軍免順治三年歸蘄與英山男子王六姐起兵斗方砦死之 全上

按斗方砦在蘄水縣

嗣樊山王朱某亂離後漂泊蘄東百里外隱於醫更姓樊字曰孝山荆府名妓某工畫蘭楚楚有致酒間曼

蘄州志

卷之三十

撫聞

五五

聲度曲能說開元天寶故事孝山寵之遂娶焉已而孝山病廢歸蘄結草廬以居今蕪沒矣詩云白頭宮女嫁王孫陋巷顏垣煙雨昏枕茗爐香曾此地琵琶一曲客銷魂 居業齋集

蘄州楊嫗某氏少寡鞠一孤年三十不能娶嫗懼斬夫祀百計營聘所少僅數金嫗私許富家爲賃春預乞其直得娶婦時嫗已往役婦入門索其姑不見不肯成禮夫語之故婦泣曰妾橐中金足相當立趣贖姑夫夜馳往猝未持金已而來索婦曰金適已付汝矣

夫大詫蓋貧家壁皆編葦鄰人竊聞其語輒詐爲夫
取金去也婦羞見給又無餘金痛姑不得贖遂縊死
質明雷擊盜金者死戶外金故在手而孝婦復甦施愚

山集

蘄南城外三里許關帝祠神像甚有生氣城中人事之
甚謹癸未賊後祠爲土人所壞神遂露處韓叅戎爲
建祠於荆邱沉香樓之廢址擬移神卜之不許強移
之神初像面淺赤豐頰有拙工爲之改削其人立死
神前威靈顯著如此乃順治己丑夏事也

蘄州志

卷之三十

撫聞

五六

康熙七年安平鄉蔡某家鴨卵有十七篆文欵起其西
村又一方卵或煮雞卵破之中復得一卵六月十七
日甲申地震雨穀釜底皆篆文不可識亦有作花卉
狀白茅堂集

州西永福鄉寒婆嶺寒婆墓在焉嶺以是得名不詳爲
何代人墓前有道往來行人每採薪一束置於墓側
積多則焚之以示却寒之意歷來相傳至今未改有
詩云嶺頭荒草沒孤墳每遇寒天怕夕曛此後且教
休怯冷道旁薪火足供君西園雜記

道光癸未三月北關外清江門俗呼大漢口外洲灘水內出

火志畧

按黃公說字晉穆帝升平四年涼州澤中火起此水然也然者陰之極也凡大水中皆有火小水則無今小水中出火殆雨雪綿連過久陰極陽生然問之高年人從未之見西園詩注

咸豐二年州崇居鄉張氏家雄雞生卵有六枚又有黑豕忽變為白豕又有豕三尾

按紀曉嵐姑妄聽之載新齊諧所記雄雞卵一事非

蘄州志

卷之三十一

摭聞

五七

怪異也陽氣團結積久而成其形長不能圓以之治目疾甚效每枚可值十餘金人多以蛇卵混取之日中照之內有紅光則真又有可以人力為之者將雄雞置之籠中使羣雌旋繞不能相接則陽氣團結遂成卵然與豕變事皆罕見也故錄以附摭聞以上潛志

一畿丞繩年果唱蘄州縣丞 定命錄

鷓出蘄州黃梅山中狀類訓狐聲如擊腰鼓巢於大木
之巔巢下數十步草皆不生也 楊廉夫鍊厓集

